

КРАМ ПРАЗДНИК *

Миян гажа грездын коркө
Вөлі ыджыд праздник - «крам».
Пелькөдісны бура керка;
Виччысисны лёк и рам.

Аттө, нывбабалөн мырсьём!
Коли узьтөг уна вой...
Сэні мыськасьём и вурсьём -
Ёна мудзис налөн сой.

Лосьөдісны сёян-юван,
Лоо востөдз вина-сур.
«Крамыд» вонас абу уна,
Мед и шедлас кынём нур.

Висьтала на водзё, энлы...
Рытын көтісны нянь шом.
Юрбитісны бура енлы -
Лосьөдчөмлы воис пом.

Со и праздник асыв воис,
Колө кутны «бур ен дум».
Паськөм вежис быдөн нойөс,
Вичкоо сэк, мыйён «бум».

Лун шөр кежлө служба эштіс,
Керкаясө шөтіс гөсьт.
Батьё пызан мөдөс вештіс.
Өдзөс дзирйыв - сэтшөм пось...

Сэсся пызан сайын мөдіс
Сейём, ювём, сёрни - бур;
Коді кыдзи вермө - лөдіс
Медся уна вина-сур.

Обод бөрын ывла ылө
Быдөн петіс: ныв и зон.
Гудок бөрысь мөдіс сьылөм,
Ёна увтны кутіс пон.

Рытьявылөдз йөз век соді,
Гөгөр лыбис - «ыджыд мать!»
Косьө пырө медся коді?
Быдөн сувтіс - пи и бать.

Гөгөрвоны он и вермы:
Пыр и воши «бур ен дум».
Чегө майөг, коді вермө...
Зэв нин ыджыд лои шум.

Вина өддзис, мөдіс шырны,
Позьө шуны: лои «страм».
Кыклы гуө лои пырны...
Со мый вайис «ыджыд крам».

Сэтшөм пезтор вөлі важөн
Вайө празьник, муса вок,
Колө овны садя гажөн:
Важсө эновт, мед оз лок!

* Медводдзаысь печатайтöма 1926 воын.

Коми гижысьяс /Сост. Илля Вась (Лыткин В.И.). - М., 1926. - С. 113.